

Chindoto na Amaroro

Chumatato 13.6.2016

Obochenu gochia ase Omotongi O Kare na Kare!

Chindoto na Amaroro

na

Jeanine SAUTRON

EKANISA YA FILADELFIA,

“ENTIGARI”

eyio erendete AMACHIKO

a NYASAE, amo N’ESABATO,

amo NOKWEGENA kwa YESO.

OKWEGENA kwa YESO:

NOMOIKA

BW’ OBOBANI.

Obochenu gochia ase Omotongi O Kare na Kare!

Chindoto na Amaroro Namba 1

⁽¹⁾ Kebimanyererio *biaikire* koigorwa, kebitureri *biaikire* kobugigwa aaria igoro, amo na okoruma gwenkoba *koigweka*,

YESO agantebia,

“EKENGERE kegokurera ense igoro y’ogosarigwa kw’egesaku kia mwanyabanto

KIABUGIRE

ekero omomalaika o gatano na rimo abugetiye egetureri kiaye.

Abamalaika bakarera.”

⁽²⁾ **Ebarasi ere ekieni kebonyansi’ ekarentwa gocha ase YESO, na, oyonyeriinete, ekagenda gochia ase ense.**

⁽³⁾ Ime ase *Okomaanoka* kwa Yohana, Egesieri 8 ebibungo biaye 10 na 11, nigo ekwanire iga:

“Omomalaika o gatato akabugia egetureri kiaye.

Erio eng’enang’eni enene ekagwa korwa igoro, yare gwoka buna ekieri, ekagwa igoro ase ensemu ya gatato ye chindooche, na igoro ye chinsoko chi’amache. Erieta ri’eng’enang’eni eria nigo yarengere korokwa

EKEMERI EKERORO,

na ensemu ya gatato y’amache ekaba endoro, na abanto abange bagakwa ase amache ayio, ekiagera abete amaroro.”

¹ “Nkarigereria, na nkarora, **ebarasi nyaitosi ere**

bonyansi, na oyoyeriinete erieta riaye n’amakweri, na aase `abakure amotunyaine; na barabwo bakaegwa okobua kw’ogota *kende gionsi ase nchera ende yonsi* igoro y’ensemo ya kane y’ense, baite nemeyio yabirende emenene, nenchara, na amakweri *ase engencho y’ebibe*, na mwanyabanto banga ching’iti chi’orosana chi’ense. *Okomaanoka* 6:8.

OBORORI

⁽⁴⁾ Nkamorora YESO origereretie gochia ase ense. Nigo are omotambe na oyo bw’omong’uso, na eganchwa yaye nigo yarengere endabu ekomesa; nigo arengere ase oborori, koreng’ana neki narochere.

⁽⁵⁾ Nigo arengere origereretie gochia ase ense, buna ndiria kiarengere egento kiare kong’usa amaiso aye gochia ase ere.

⁽⁶⁾ Erio bono agacha gocha asende, Ebuku enke ere endabu ekabekwa bosio bwane, na agantebia,

“Jeanine, imokia egetabu ekio egeke ki’obobani.

Imoka ogende naki

OREGON,

erinde ochie koba na bamura na basubati bamino b’Ekanisa ya Filadelfia, “Entigari,” amo na Omomura Ominto Roy Lemke, oyore *omoteneneri* bw’emeremo eye. Oirane egetabu eke egeke ekerabu.”

⁽⁷⁾ Ere (YESO) akang’orokeria ng’a:

Boraya nesirigwe.

⁽⁸⁾ *Naende agantebia,*

“Ngochi ore koimoka ogende na orwe FRANSI.”

⁽⁹⁾ YESO akang’a okomaanorerwa oko, ng’a

BORAYA teri gochia kobao rinde:

BORAYA nesirigwe pi.

⁽¹⁰⁾ Eng’enang’eni eye eeire erieta ime y’*Okomaanoka* kwa Yohana, Egesieri 8, ekebungo 11 buna:

EKEMERI EKERORO,

NIGO ERAGWE IGORO

ASE OMOCHIE OMONENE

O FRANSI:

OKOROKWA PARISI.

⁽¹¹⁾ Eng’enang’eni eye negwere Parisi.

⁽¹²⁾ Akamaanorera goetera ase amang’ana aye ng’a:

-ITARI

-BELICHIAMU
-BOCHEREMANI
-SIPAINI,

chinse chionsi chia Boraya boigo nchisirigwe na
EKEMERI eke EKERORO.

⁽¹³⁾ **Tichikoyierwa.**

⁽¹⁴⁾ Echi chiraakwe mono nigo chirabe:

-ITARI
-FRANSI
-BOCHEREMANI
-BELICHIAMU
- SWISALANDI

⁽¹⁵⁾ YESO akamaanorera ng'a

EKEMERI eke EKERORO
kiabeire kegokuna ense ake igo

erio nario kerang'use *ebirengererio* bia mwanyabanto
bitaboboke *igoro y'ekeene ng'a* chingaki chiabo
chi'ogokora ebibe na kwangwa na kogambigwa²
nechinyeng'e.

Chindoto na Amaroro Namba 2

⁽¹⁾ **Boraya nesambwe ebe**

oboera.

⁽²⁾ YESO agantebia,

"BORAYA

nebe buna

HIROSHIMA!

Nesirigwe goetera ase chinguru chinyinge
chi'EKEMERI eke EKERORO.

² **Obokayayu** engencho yaye nobosareku, amaaki, okoba
nekerengererio ki'ogochanda abande ase enchera embe mono,
gose omento otari konyara kwegambera omonyene ore inse
ase okogambigwa gose kwangwa nogochika kwa Nyasae ase
engencho y'ogosirera ime ase ebibe. ("Ebibe nogosaria
kw'amachiko.") 1 *Yohana* 3:4 **"Naki eng'eria y'ebibe
namakweri."** *Abarumi* 6:23. "Korende oyogokora ebibe
mamincha yane nigo akwerentera ogosaria ase omoyo oye
omonyene; bonsi abangechete nigo banchete amakweri."

Emereng'anio 8:36. "Omonyabibe nakora ebibe ara rigana,
naende agenderere koba moyo ase engaki entambe; nonya
naboigo, nimanyete ng'a nigo erabe buya ase abasasimi baria
bamoirogete Nyasae, abwo bare namasikani ase obosio
bwaye." *Omorandia* 8:12

" Ode bwensi omenyete ime asare (Yeso) tagokora
ebibe. Ode bwensi ogokora ebibe tamoroichi nonya
nokomomanya tamomanyeti. Abana abake, timotiga monto
onde tabang'aina; oyogokora oboronge oyio nomonyene
oboronge, buna ere are omonyene oboronge. **Ere
oyogokora ebibe oyio noyo o kerecha,** ekiagera
kerecha nigo akorete ebibe korwa omochakano. Eke nakio
gekogera omwana o Yahweh arogetigwe erinde asarie
emeremo ya kerecha. Ase eri abana ba Yahweh nigo bare
maisio marore na abana ba kerecha boigo: onde bwensi otari
gokora oboronge naende otancheti oyomwabo, oyio tari oyo
Nyasae" 1 *Yohana* 3:6-9

"Twamanyire ng'a kera omento oiboirwe na Nyasae
tari gokora ebibe; ekiagera ere oyoiboirwe na Nyasae nigo
akwerenda ere omonyene; na kerecha takomoika ang'e" 1
Yohana 5:18.

⁽³⁾ YESO agantebia,

"Nyasae akainyora

OGOSAMBWA

kw'Abayahudi **ASE CHINDOBE,**

OGOSAMBWA okwo kwabete

omwaka 1943 goika 1944

okwo Hitira akorete."

⁽⁴⁾ Nyasae akainyora ogosambwa ase chindobe kwa
bamura na basubati bamwabo b'Ekeyahudi amo na
abana babo. Ororire obororo abanto aba baeterete. Nigo
barenge

ABANTO BAITETWE na Hitira **ASE**
ENGENCHO Y'OKWEGENA KWABO.

⁽⁵⁾ Ere (YESO) akainyora obororo bwabo amo na
ogokwa kwa bamura bamwabo b'Ekeyahudi abwo
barenge ime ya

BORAYA.

⁽⁶⁾ Eke iga nakio gekogera YESO ankwanerete igoro
Y'OGOSAMBWA OKO GOKOROKWA ESHOA, na
agantebia ng'a

ENDAMWAMU yaye

neuchananie

BORAYA.

⁽⁷⁾ **OKOGAMBIGWA** kwaye **NG'ANG'E KORE.**

⁽⁸⁾ **"Onde taiyo oraminchorie!"**

OMONENE agateba.

⁽⁹⁾ Naakane egesiomba kiamanyinga abo.

Oboronge mbobe

bogoikeranigwa gochia ase bare.

Chindoto na Amaroro Namba 3

⁽¹⁾ **OBORORI**

⁽²⁾ Omotomwa one akang'ira *inchie korora ekemeri ekeroro, oyio* orenge amo na abamalaika bande babere bare nechimbaba chiramboire. *Bagateba*, “Nkogenda tore korora. Tiga tomworokie Jeanine

EKEMERI eke EKERORO.”

⁽³⁾ Togaika aase abwo. Nkarora rigena ribou rigocherera koba noborito bw'etani eyemo (echio chire chikiro 1,000 eyemo) gose chire ang'e koba chitani (2) ibere, erio riagendererete koimoka erioki.

⁽⁴⁾ Erioki erio riagendererete gosoka korwa ase rigena eri rigaichoria ase twarenge nerioiki, na

abamalaika aba nigo barenge koayerera kondusia korwa aase aya. Nigo riarenge egetare keng'ana bwaira aiga nigo gekorokwa

EMITIORAITI.

⁽⁵⁾ Egetare eke nigo giasogete korwa enchera y'egeita kia Orioni. Nigo kebekire igoro aria. Nigo kere ensemo y'amagena, ekemo ki'amagena abegetweo na Nyasae, na nigo kere ekemo ki'amagena ayio aroisetie enchera eye. *Ekeroro narenge gosoa ase enchera eye*, igo yarenge buna ndiria nare gosoa ase ekeinyorio.

⁽⁶⁾ **EKEMERI eke EKERORO**

nigo kebekire ime ye enchera ya Orioni. Ase engaki echikire, ngesoke korwa ase egati y'amagena aya erinde geche na **goaka**

ENSE.

Erieta riaye ne:

EKEMERI EKERORO.

⁽⁷⁾ Nigo narenge ime y'erioki, chimbeo chi'obosongo, amasaria amatindi agoita, ayio are gosoka korwa ase rigena eri. Obongo bwane nigo bwarenge kobera (*kobera gose gotogota*). Nigo narenge gochandeka ase engencho ye chimbeo chire nobosongo.

⁽⁸⁾ Omotomwa one agantebia, “Tung'ama inse.” Na *abamalaika* batato ase oboamo nigo barenge goaka-aka chimbaba chiabo chinene igoro asende. Goika nkanyara koeyana naende. Bakamboria gose mbuya narenge, na nkabasasokera.

⁽⁹⁾ Ekeroro narenge rigena eri rikorokwa emitioraiti, omotomwa one agantebia, “Inchuo, ntunyane, nigo ere bobe mono. Nigo orakwe mobosokano.” Bagantamia korwa ase aa.

⁽¹⁰⁾ Nkarora ng'a gento kende tikiarenge rinde naende

NERORO!

Tinchieti korora rigena³ riria naende.

³ *Daniel 2* nigo egokwanera igoro ye “rigena rigotegoka ritakuniri na amaboko a mwanyabanto”: “**Ekeroro kwarigereretie okarora rigena rigotegoka ritakuniri namaboko a mwanyabanto**, erio riaagete **omogwekano** (*ogosasima emegwekano y'echidini chi'oborimo chia Babeli, Chumapili {ogosasima gwa Tammuz}*, esuguku {ogosasima Tammuz amo n'ebiegwa}, Easter {ogosasima kwa Ishtar}, na Halloween {ogosasima saitani}) **ase amagoro aye y'ekioma na amaroba** (korwa ekeroro Katoliki ekanisa y'Abarumi yachagete ogotimoka kwe rituko ria Chumapili, Esuguku, Easter, na Halloween), **rikayasamunyora akaba ebisamunye... omwaga okairurukia ebinto biria gochia aare nonya nokoba kwabo tikwarorekana aande. Korende rigena riria riaagete omogwekano (ogosasima gw'echisanamu) oria rigakina, rikaba egetunwa ekenene kegaichora ase ense engima.”** *Daniel 2:34-35. Ase amatuko y'abaruoti abwo, Nyasae ore igoro narente oboruoti botanyare gosarigwa, gose okobua kw'oboruoti obwo tibokoegwa egesaku kende. Obwo mbosenyente amaruoti onsi na koyasiria, na borobwo obonyene mbogenderere kobao goika kare na kare. Daniel 2:44*

Korende nyuma ye “**rigena gotegoka ritakuniri namaboko a mwanyabanto**” ritarasaria ogosasima emegwekano ya Babeli (ya Chumapili, Esuguku, Easter, na Halloween), abamalaika ba Nyasae nigo bakorwa ekurate, “bagoteba, **Babeli ogure**, omochi oria omonene, oyo onyoisirie abanto b'ebisaku bionsi edivai y'ogwancha obokayayu bwaye (ogosasima kw'emegwekano ya Chumapili, Esuguku, Easter, na Halloween) *Okomaanoka 14:8*. Na omomalaika omotomwa nigo agokurera abanto ba Nyasae basoke korwa ase chikanisa echio “**chigwete**” (chia Chumapili, Esuguku, Easter, na Halloween): “Babeli omochie oria omonene ogure, ogure, na obeire obomenyo bw'ebirecha, na oboagacho bwa kera omoika bw'eubi na bwokogechia (chinyoni chitachenegeti na ech'okogechia), naki abanto b'ebisaku bionsi banyure edivai y'endamwamu yaye, na abaruoti b'ense batomanire (*ogosasima emegwekano*) nere, na abaonchoreria b'ense betenenkirie ase obonda bwaye obonge bw'oboanchoreria (oboanchoreria bwa Chumapili, Esuguku, Easter, na Halloween).” *Okomaanoka 18:2, 3*. Abanto ba Nyasae batebigwe basoke barwe ase chidini chie chikanisa echio

chi'obokristo/obobabeli (chia Chumapili, Esuguku, Easter, na Halloween), "rigoteba, **Inwe abanto BAANE, karwe asare, erinde timobwatana nere ase ebibe biaye na konyora amaakwa amo nere.**" *Okomaanoka* 18:4

Abanto ba Nyasae mbarabi?

EKANISA YA FILADELFIA *Ok.3:10*,

"ABATIGARI" *Ok.12:17* **"abachenu"**

"abwo barendete AMACHIKO A NYASAE",

amo n'ESABATO ye rituko ria 7,

"amo na OKWEGENA kwa YESO."

Okomaanoka 14:12

Chindoto na Amaroro Namba 4

OBORORI

⁽¹⁾ Emetienyi meke igo egaeta. Nkagenda ase oborori.

⁽²⁾ Nkarora okororekana gw'ense kobwekaine buna

HIROSHIMA.

Kera egento nigo giasiretigwe, ekombirie, emenire egatigara bosa, ense ekorire koba ritombe. Emete *mekeigo yatigarete* eyio yayiete ekaba oboera, ere amatina atabwati amato, ebinto bikororekana botuko ng'a mbireo abwo ase bitaiyo.

⁽³⁾ Nao narengase ase amaroro ime y'eroro eye na aase aya y'ogoichania. Chinyomba nchiarenge naende, nigo yarengase botuko. Omotienyi nigo orenge rikongori. Nigo narengase nobwoba, naende tinamanyete ng'a ing'ai abwo narengase.

⁽⁴⁾ Omonto agacha asende na akamborera, "Nomanyete ase ore?"

⁽⁵⁾ Naende nkarora ng'a abanto bande babere (2) nigo bachete bakaba amo nere. Nkamanya ng'a aba nigo barengase abamalaika batato (3) baria barengase nainche konyora emitioraiti *etaraaka*.

⁽⁶⁾ Bagantebia, **"Aiga, aase ore, nigo yare Parisi, namaene,**

MPARISI,

NIGO ORENGE PARISI,

omochie omonene o *Fransi*,

ogasirigwa, okairurukigwa nomwaga, ogasarigwa, ogatinyigwa, buna chinkanda chibomberanirie!"

⁽⁷⁾ Nigo barengase koayerera kondusia aase aria, erio nario ntakwe korwa ase amasaria amatindi amange ayio ntarochie.

⁽⁸⁾ Bagateba, "Tiga tosoke korwa aiga, Jeanine, tiga togende!"

⁽⁹⁾ Na ngasiria oborori.

Chindoto na Amaroro Namba 5

OBORORI

⁽¹⁾ Nyuma y'okorora ng'a omochie omonene,

PARISI,

osirire pi, ng'a oro (*Parisi*) konya obeire ense ere birati eyio etabwati bogima, ey'ogoichania, emwamete ti, nkairwa ase oborori, naende nkenyora inche omonyene ime ya

GENEBA

ase ense ya SWITZERLAND.

⁽²⁾ Nkarora ase oborori obo, ng'a obogima tibwarengase naende. Abamenyi mbakeigo barengase ase chinchera chinene. Omochie omonene okaba erooro.

⁽³⁾ Chibota chionsi, chigari chi'omorero, ne chindege, kende nkeiyo kiarenge ase obokoreri rinde naende. Amasaria aria agoita akorokwa radioactibiti nigo arengase aroro ase ekerengase gete goikera ebinto bionsi bi'esitima bitare gokora meremo rinde.

⁽⁴⁾ Chisimi chirosirie buya mono chikaba chitorerekanirie amo ase chinchera. Nkaigwa buna okweng'enta okonge nkwarengase, abaibori bamigegete mono.

⁽⁵⁾ Abanto mbarengase bake igo, korende babekire obosongo. Abana babo nigo bagendererete gokwa. Amasaria ne chimbeo bikagera abanto bagakwa ase chinka chiabo.

⁽⁶⁾ Nkarora enyancha ya Geneba; konya yaonchoreirie erangi, na yabeire endoro. Nkarora chinswe chigocha na gocheng'enena *ase amache* igoro nagokwa ase obosio bwane. Nigo kiarenge egento ki'ogoichania.

⁽⁷⁾ Baria bare konyara korwa ensemu eyemo gochia eyende nigo bare gochiera amato. Abanto nigo barengase goteema kobua amakong'u, korende nigo barengase kobugwa n'amasaria. Obogima mbwarengase rinde. Omochie nigo okwete. Amache tarengase rinde.

⁽⁸⁾ Nkaimokia amaiso aane gochia igoro. Nkarigereria gochia igoro na nkarora oboagacho obonene; na *igoro yaborobwo* igo bwarikire:

"EKEGANCHA GIE CHIBESA KIA BOSWISI."

⁽⁹⁾ Korwa igoro aria, goetera ase chitirisa, chisaro, ebimoya bie chisaro ne chisaro chie chibesa amanoti nigo atugutetwe gochia inse, na nigo arengase koiruruka gochia aare. Amanoti aya nigo arengase koiruruka kera aase buna ebigwankwa, na kogwa inse igoro ase amaroba.

⁽¹⁰⁾ Nkarora ng'a nigo biarenge ebiboa bi'amanoti ye chidora amo na amanoti ye chiyuro 100 E (eyio ere rigana erimo ria eyuro)."

⁽¹¹⁾ Abanto nigo bamigegete. Tibamanyete nonya nase

bagochia. Nigo barenge gotaara igoro ase amanoti aya. Konyora asiririe rigori riabo rionsi.

⁽¹²⁾ Nkaigwa, “Amache taiyo rinde, amache nigo are amaroro, nigo akorura, nigo are nobosongo; aonchoire ekieni. Korwa buru akaba machani.”

⁽¹³⁾ Nkaraagwa nomoika: “Omoerio o siasa (obotirigoyu), obwo bore obwerori bwa abanene!

Omoerio bw’emegoko y’obogima obo!” Nigo barorekanete ng’a konyora bebwatokire barobwo abanyene gochia ase ogosira kwabo.

⁽¹⁴⁾ **Nyasae akaba omobui.**

Jeanine Sautron